

S T A T U T A S per la " Societad de tratga de cauras Sedrun - Gonda

I. Num, domicil ed intent.

Art. 1.

Cul num " Societad de tratga de cauras Sedrun Gonda" seformescha el senn d' dil tetel 29 dil D^r O. ina societad de cuoz nundeterminau che ha siu domicil a Sedrun.

Art. 2.

La societad de tratg de cauras de Sedrun-Gonda ha per intent de trer e razzar ina caura robusta, adattada per nossas relaziuns de muntagna, el typ della cuara strala grischuna cun unitad ella fuorma e colur e cuntenteivla prestaziun de latg. quella finamira duei vegin contonschi da cun:

1. tener cuaras che corrispundan agl intent de tratga,
2. cumprar e tener bucs d' emprema qualitad cun derivonza,
3. impedir che bucs senza attest de derivonza u tals ded autra razza mondien sin pastira u ad alp cun la muntanera. ,
4. dismetter, esp. schubergiar tut ils bucs giuvens che van cun la muntanera.
5. menar cun tut quita il register de tratga che cumpeglia tut ils animals de tratga renconuschi dils commembors,
6. marcas tuts anseuls, ch' ein destinai per la tratga,
7. promover e sustener la controlla de latg dellas cauras,
8. procurar per pastira e per alpegiazion per bucs giuvens ed anee seuls, ch' ein destinai per la tratga,
9. separtizipar de fieras ed exposiziuns,
10. organisar la vendita d' anseuls de maz,
11. arranschar cuors, referats (sur giudicar fuorma e colur) (tractament dils peis etc.)

Art. 3.

La societad de tratga de cuaras de Sedrun=Gonda daventa commembra dell' uniun svizzera de tratga de cuaras e lai controllar igl inspecturat federal de tratga ded animals manedels siu register de tratga.

II. Commembors.

Art. 4.

Commembra della societad de tratga de cuaras de Sedrun-Gonda sa scadin possessor de cuaras daventar che habitescha en ils resp. vischinadis u en la vischinanza e che declara cun suttascriver ils statuts ded intrai en quella e de sesuttametter allas ordinaziuns dils statuts ne dat giu ina tala declaranza en secret, e sch' ei exista la garanzia ch' el seigi el cass e ch' el vegli adempiir las prescripziuns ed obligaziuns dils statuts.

Art. 5

Ia dretg de commember vegn annuleaus:

- a. entras extrader dalla societad,
- b. entras sclauder dalla societad,
- c. entras setrer naven dal liug ne dar si la tratga de cuaras,
- d. entras la mort. En quei cass va il dretg vi sils artavels

Art. 6.

Extrar dalla societad san ins mo alla fin d' in onn de gestiun sin fundament d' ina communicaziun fatga en secret 6 meins avon quei termin.

Art. 7.

Commembres che cunterfan als interess della societad ni che adempleschan buca las obligaziuns enviers quella san veginr sclaus entras la radunanza generala.

Art. 8

In che banduna il territori della societad ni dismetta la cauras per lo onns piarda il dretg de commember cun la fin digl onn current de gestiun.

Art. 9

Mintga commember nies paga ina entrada de 2.— fr., tgi ch' entra pli tard 5.— fr. Possessura de cauras buca commembres pagan ina taxa annuala de 2.— fr. per mintga cuara che fa ensiel.

Art. 10

Scadin commember ei obligaus de luvrar e mantener ils interess della societad e de sesuttametter als statuts, als conclus della radunanza generaleed ellas ordinaziuns della suprastonza.

III. Organs della societad.

Ils organs della societad ein:

1. la radunanza generala,
2. la suprastonza,
3. ils revisurs de uen,
4. la commissiun d' experts.

1. La radunanza generala.

Art. 12

La radunanza generala ei il suprem organ della societad. Ella decida definitivamein tuttas uestiuns che pertuccan la societad. En special ha elia las sequentas competenzas:

1. elaborar e midar ils statuts,
2. elecziun e revocaziun della suprastonza, dils revisurs de quens e della commissiun d' experts,
3. decoder sur tener ils buca,
4. decider e li uidar recuors e reclamaziuna,
5. recepziun ed approbaziun dil rapport annual e dil rendauen,
6. fixar tuttas contribuziuns,
7. concluder arisquard dissoluziun della societad,
8. fixar la bonificaziun ale organa,
9. Recepziun ed exclusiun de commembres.

Art. 13

Per regla veginr ei fatg ina radunanza generala ad onn. Ina radunanza extraordinaria sto veginr convocuda, sche il sufficient diember de commembres tenor art. 881 D. O. pretenda quei en ina damonda giustificada. La radunanza generala sto veginr visada silmeins 5 dis avon, las tractandas ein en medem temps de far enconuschenas tras communicaziun en secret als commembres ne traas affischa sin la tabla nera.

Art. 14

En fatgs impurtonts san conclus valeivels veginr pri mo sch' ià rsp. tractandum ei veginus fatgs enconuschenas cura ch' ins visa radunanza.

Art. 15.

La radunonza generala ei obligatoria per tut ils commembers. Absenzas nunperstgisadas vegnan punidas cun 1 fr. . Sco perstgisa vala: 1' absenza dil liug, malsogna e cass demort en la famiglia. Talas ston vegnir fatgs en secret alla radunonza resp. alla suprastonza enteifer 5 dis.

Art. 16

Ils organs della societad vegnan elegi entras il pli dellas vuschs.

Per las ulteriuras votaziuns decida la radunonza mintgamai sur il modus de votar. Igl absolut pli dellas vuschs curdadas ei valeivels, priu ora ine dissoluziun della societad (art. 32)

2. La suprastonza.

Art. 17.

La suprastonza secompona: d' in president,

d' in actuar ch' ei en medem temps scarvon dil register de tratga e vicepresident,
d' in cassier.

Art. 18

La suprastonza ha en tut e dapertut de representar e defender ils interess della societad. En special ha ella de:

1. menar ora las prescripcions dils statuts ed ils conclus pri dalla radunonza generala sco era de liuidar las fatschentas currentas.
2. convocar la radunonza generala,
3. preparar las tractandas per mauns della radunonza generala e far propostas,
4. cumprar ils bucs, destinair ils perveseders dils bucs e far ils contracts cun quels (cun participaziun dils experts) tenor conclus della radunonza generala, dismetter resp. schulbergiar tut ils bucs giuvens che van cun la montanera e procurar che tuts bucs senza attest de derivonza vegnien fatgs nunnuscheivels en concordanza cun las prescripcions cantonales.
6. La suprastonza dispona d' in credit de frs. 50.--

Art. 19

La suprastonza vegn alegida dalla radunonza generala per 2 onns es sa adina puspei vegnir reelegida. Il president meina la radunonza generala sco era las sesiuns della suprastonza. El representa la societad ordeifer e suttaceriva enslemen cun igl actuar legalmein per quella.

3. Ils revisurs de quens

Art. 20

La radunonza generala elegia per ina perioda de 2 onns dus revisurs de quens. Ils revisurs de quens han mintg' onn de reveder e controllar exact e bein ils quens e de far rapport e proposta alla radunonza generala.

4. La commissiun d' experts.

Art. 21

La radunonza generala elegia per ina perioda de dus onns ina commissiun d' experts consistenta ord dus commembers. Uella cumpra enslemen cun la suprastonza il material masculin, siara giu contracts cun ils perveseders dils bucs tenor conclus della radunonza. Ella procura che ils bucs giuvens e tuts bucs senza attest de derivonza vegnien fatgs nunnuscheivels en concordanza cun las prescripcions cantonales (art. 18, 4 e 5).

I V. Ils pervesiders dils bucs.

Art. 22

Ils pervesiders dils bucs vegnan elegi dalla suprastonza el senn dils conclus della radunanza generala . Ils dretgs e las obligaziuns dils pervesiders dils bucs vegnan fixai en in special regulativ al qual la radunanza generala sto dar si' approbaziun. En special han ils pervesiders dils bucs de menar exact e bein il cudisch de nuegl.

V. Finaziaziun.

Art. 23

Ils necessaris mieds per contonscher igl intent della societad vegnan recaltgai entras:

1. taxa d' intrada, subsidi de fundazion dil stat,
2. taxa de menar,
3. contribuziuns dils commembers,
4. premis e daners dils puncts,
5. recav della vendita dils bucs,
6. contribuziuns voluntarias,
7. castitgs.

Ils daners dils puncts e premis van tuts en cassa della societad.

Art. 24

Il quen annual vegn seras giu dal cassier sin la fin digl onn de gestiun (31 de december) ed admess als revisurs de quens per la controlla.

Art. 25.

Seresulta in deficit el quen annual ei quel de reparter ulivamein sin ils commembers tenor animals inscrets.

In ev. import netto che seresulta suenter haver pagau spesas ed expensas vegn mess el fondo de reserva.

VI. Determinaziuns generales.

Art. 26.

Eventuals dispetas dinter singuls commembers e la societad vegnan liquidadas definitivamein entras ina commissiun compromissala. Quella commissiun consiste de 3 commembers, mintga part destina in confident ed il president de cumin il tierz commamber sco cau. La preschienttscha d' advocats ei sclausa.

Art. 27

Per las obligaziuns della societad ei mo la facultad de quella responsabla, ina responsabladad dils commembers ei sclausa.

Art. 28

Commembers, che vegnan buca suenter als statuts san vegnir puni dalla suprastonza cun in castig tochen 20.-- frs.. En cass de repetiziun sa il castig vegnir dubligiaus.

Art. 29

Aschilunsch sco quels statuts prevedan buc auter valan las ordinaziuns dil cudisch de dretg d' obligaziuns.

Art. 30

Organ de publigaziun ei il Fegl official dil canton Grischun.

Art. 31.

Scadina midada ne completaziun de questas statutas ston vegnir messas avon al departement digl intern per l' approbaziun. Las determinaziuns novas passin per suenter l' approbaziun en vigur.

Art. 32

La societad sa vegnir dissolvida esche 2/3 de tut ils commembra prendan in resp. conclus en una radunonza generala ordinaria u extraordinaria.

In ev. facultad va en cass de dissoluziun en mauns dils vischinadis de fundazion che han de duvrar quella per promover la tratga ded animals manedels.

VIII^o Determinaziuns finales.

Ils presents statute ein vegni approbai dalla radunonza generala dila 21 de marz 1948 e van cun quei datum en vigur, resalvau vegn l' approba-
ziun dil Departement digl intern.

Sedrun, ils 21 de ma rs 1948

Il president: *Hendry Field*
Igl actuar: *Carey Christian*